

重修陳氏宗譜序

嘗思人之有族必有譜也者所以叙祖宗之根源紀子姓之
流衍後世子孫咸知一脉之相承使親疎有辨昭穆有分
即尊親孝祖之禮敬宗睦族之道無不由是而推之故范子曰
譜世而修譜則流人小人目淪於不孝譜可緩乎哉余考麗興
陳氏老譜自大明崇禎年間修輯至今二百餘年紙張霉爛字
跡殘缺僅留世系幾真無知者維且公係永邑南溪白泉分
支今族中祖重孫少孫犯惡諱住也然也並先人之考妣諱氏
名無可稽查者亦少倘今不修者各者誰歸於光緒二十一年
秋間有族中裔孫嘉澗公慨然發仁孝之心念祖宗之遺澤不
忍坐視廢弛遂同族叔元芹公族子嘉明公酌議延余重修譜

勝余思修譜乃人生之勝舉快然也一查其先代之源流詳其
後世之字諱將舊譜中殘者補之斷並續之原七本七灼然不
味則將來子七孫七脉絡相繼雖代遠年湮亦能辨其本支所
從來耳今書為序以為萬世子孫有知者

書

光緒貳拾叁年五月 穀旦

國學生世卿鄭瑞蘭謹識

民國八年乙未

陳氏宗譜序

嘗思天地開而後萬物生萬物生而後人倫人倫而後君
臣立君臣立而後姓氏分姓氏分而後譜牒作譜牒作而後世
系明世系明則知一身之所自出人之於祖猶水之所有源也
源則分派之基礎不知人無祖則脈絡之具的不著譜牒
之存豈淺鮮哉褚溪陳氏祖傳自予旦公由郡城遷居於此歷
世之文斯旌九繁前於前清光緒丁酉年纂修後迄今三十
餘載木及登者不堪屈指戊午歲族之幹者慶連慶鵬允賡諸
君慨然有尊祖敬宗之心延余續修余效蘇公之法以世爲經
以人爲緯越數月而譜落成乞序於余余曰諸君此舉能重其
本能尋其源故不揣鄙陋而爲之序焉

民國七年歲次戊午

胡希賢謹撰

始祖昭遠公贊

公視民如子案牘請簡囹圄幾空不施刑法凡下吏有受賄怠政者即摘除其職清廉上聞轉陞浙江巡撫御史後人贊云

美哉陳公文章益世政清刑簡萬民之望

五世

世祖海宇公贊

公愷惻宜民操守無玷折獄如陳使民無訟任温州府通判後致仕不歸業置南溪遂卜居白泉地方公實為南溪陳氏之始祖也

元彭公行集

公賦性敦厚居身質樸與人無爭與物無忤而勤以持躬儉以治家雍比乎可望而可接藹比乎不古而今待兄弟極其友

愛教子孫必以義方入結納之途無愧應求之誼在鄉甲之內
不與惡人之謀公真太古之遺民歟

元芹公行集

公力耕爲業常存樸實之心忠直爲懷愷則時以存其念凡地
方有公事者無不竭力贊襄公之行非易及之於同治元年金
錢會匪擾圍邑城公爲團練親與賊戰疊殺賊匪賊遂奔潰此
時官紳請獎開單公名居首於光緒年間修造宗祠並修修譜
牒公與族在嘉澗共謀其事而不憚勞其功偉矣

嘉潤公行集

公性耿直出言有章生平不欺貧不諂富勤儉成家不務浮華之行寬和處世不存刻薄之心公之善事有可嘉焉光緒二十一年間宗祠損壞幾至崩坍公獨出資建造兩邊間前進並修造者其用欵定亦不少又於本地永寧橋地人謂之外車頭橋於咸豐年間被水冲壞至今無人敢爲倡首公獨肩其任併築橋下之道路公之功亦非淺鮮尤有大者大宗譜牒於明崇禎年間修輯至今二百餘年譜牒尙未倡修老譜僅存幾頁上恐祖宗有殘缺之慮下恐苗裔繁而難稽修譜之念寢食不忘於光緒廿二年秋間延余於家其供應膏火一切應酬公獨任之及今譜牒修輯告竣皆公之力也

世卿贈

鄉飲陳月明公傳

箕疇所稱之全福吾里陳月明公庶幾其有焉公年少時忠義有膽氣前清咸同間匪連寇溫州曾隨吳紳一勤公爲民兵公以勇於赴敵得獎賞軍功至中年時善治家積產兼以元配陳母吳太安人有內助賢置田園數十畝生子三長嗣君慶發翁次嗣君慶綿翁三嗣君慶鵬翁慶發翁皆能孝悌力田承父志雖長次二嗣君早辭世而長嗣君慶發翁令郎福鴻兄啟鴻兄增鴻兄次嗣君慶綿翁令郎正鴻兄亦皆勤於農圃其爲人皆樸實善良克守祖爨之業洵可嘉也三嗣君慶鵬翁亦生有令郎鴻集鴻集初福鴻兄諸昆弟又生兒女咸行矣公親見子生孫孫生曾孫一堂四代怡然安樂長享雞豚之養登大年壽

至八十九歲而考終吾邑孫方伯琴西公嘗贈以望隆賓席匾以榮其壽吾於是羨公之壽且羨公之福而知公之德也是爲傳

陳翁德昌行狀

吾里陳翁德昌一村農也其爲人重讀書識字而於敬宗睦族之遠尤加意焉戊午歲陳氏大宗修譜其管理譜務者俱非文學之士德昌翁雖未有管理之職其贊助修譜之功居多方譜之草稿初定時其支圖尚缺十餘世賴德昌翁搜採叢殘考得十餘世而補之此其功一也列代先公之古墓舊譜多不載德昌翁獨能訪求之於深山窮谷榛蕪埋沒之處一七得其墓誌以與譜中參互質證而備載之此其功二也其三十九世仁齋

公德昌翁之本房祖也前修譜人亦不知仁齋公之生於何世屬在誰祖至是德昌翁乃將其仁齋公之神主與夫長老之傳說以及八世上之行名皆歷七可憑於是詳審而定之而族人咸生親愛之情此其功三也噫卽此以觀陳翁德昌既有此敬宗睦族之善矣而人世凡百純正之善事皆可推此而爲之天豈無善報哉是爲狀

民國七年六月廿五日 穀旦

里人楊質孫謹撰

湖廣崇陽縣知縣陳時棟并妻

勅命一道

奉

天承運

皇帝勅曰昔唐帝最遠臣曰吾階前卽萬里其有卓蹟可以惠民朕實鑒臨之崇之邑距京師幾萬里而遙懋績來聞朕嘉悅可知也爾湖廣府崇陽縣知縣陳時棟慎而克勤清不絕俗邊餉輸先於各邑軍興調適於勞民百務振清三年薦最是用覃恩授爾階文林郎之勅命夫恩之覃也長吏踰年而獲薦舉如滿歲之令然則旣勉者曷沾乎惟令雖良不過一賜璽書遲速皆恩不可不勉承也夫崇陽之縣善邑也見德旣易終惠尤宜爾